

東台縣志稿卷二

忠節

崔汝省字省之富安場人生明萬曆癸丑四十一年
形体魁梧膂大可容雞卵每食以斗米計嘗自期
曰生死人所不免當立功業昭著兩間順治初堰
東兵事紛擾崔怒提刀犯圍入殺數百人力既盡
猶刃數騎始就斃餘人驚其忠勇相戒勿犯場境
場賴以安崔既戰沒其家求其尸歸葬不可得得
其双履葬之西場妻王氏以苦節終

璋 讚為民永命魂升穹蒼未邀 國典口碑已

彰事越八朝於茲考詳埋忠双履永志勿忘

徐曉峯名旭以字行號雲溪東台縣人以戰功累擢
福建汀漳龍道同治三年九月粵匪陷障州偽侍
王李世賢欲授以偽職徐怒叱之職錮之空室中
絕粒數日賊又持人葎湯偽為鳩進徐潑於地援
筆題壁上曰壯志未酬

君恩何補取義成仁臣心千古賊知志不可奪以火
灼徐手指至焦墮罵不絕口凡十七日遂遇害妻
王氏女文姑及僕婦陳氏並自經死事
聞有忠孝節烈萃於一門之

諭加

贈內閣學士銜以二品例

賜祭葬諡剛毅入

京師昭宗祠

志

漳州府城建立

專祠

孝友

呂六藝何塚場人父性好善恒以貧不果行六藝竭力成之如創修宗譜捐田為族中孤貧者葬地施義棺皆繼父志也卒年九十孫桂蕢廩貢生幼事祖父母事父母俱篤孝力學攻苦年十九與兄桂芳同補諸生館穀所入悉貢甘旨母歿事繼母尤孝待寡 盡禮六藝道光二十八年 桂蕢同旌

治九年 旌

沈春芹耕樵場人文生性孝侍父病未嘗解衣寢冬月絮袄恒先著身俟袄暖然後為親衣之父母歿

哀慟盡禮既葬日拜墓前瞻視號泣里人感焉道

光十六年時春芹七十六歲 旌

葛金和葛錫豐俱庠生性並純孝金和年未冠兩刲股療祖母病及母病皆愈未幾金和卒錫豐慮父母過痛日舉可喜可愕事述以娛親父病醫不能治錫豐祈神積月餘父病頓釋父歿奉母日不離側冬月必取母衣自著俟衣暖然後進母老目眊每晨起舌舐之經半載復明年四十一卒子紹雲恩貢生亦以孝聞道光二十八年 旌

姚懋才字亮工一字問田本城人父翔鷺以孝友稱

見舊志

懋才內性如其父然胆識過人宰斯邑者恒

倚重之父性愛山水懋才每請游浙之諸名山大川身隨侍焉延師教弟懋德懋官入庠序從弟懋賞懋清來家塾讀書後清以泰州籍入府學厚養叔父母沒齒不衰族戚以緩急告者助之毋少吝嘉慶道光間水災辦賑皆得宜十四年制軍陶行一文願扎下縣諭懋才勸理三年積穀三千餘石二十八年水灾賴此全活甚衆光是十五年夏恒旱自海道口至草舍民河五十里皆成陸地分運

朱沅合九場按塩引捐濬諭懋才及馮道立楊嘉樹任其事懋才出錢千緡招農人桃深並道立等督勸有方刻日工竣十六年捐三百金修分署以西街二百餘丈餘則有創善志採訪節孝諸善舉皆悉心為之劉媪者懋才之田鄰也饒於財盜塗面剗金去已媪知為族子欲告官懋才出金代償族子知愧遂寢其事壽八十

汪士燦何塚場人家貧業賈晝事貿易夜勤舂枰鑿未至精熟負歸奉親父歿哀毀盡禮事孀母撫幼弟俾各成立母性慈愛好施士燦能先意承志曲

慰母懷母壽至九十餘土燦卒年六十四道光二十八年 旌

詹聯甲字琴舫何塚場人歲貢生父先歿母宣氏青年守節兒時自念少孤非力學無以慰母心以故攻苦倍恒人嘗赴試金陵值時疫盛行未入場遂反人怪問之答曰恐母在家思念致疾也母病中風聯甲晝夜侍側衣不解帶者數月母歿衰毀盡禮生平立品端正為鄉里所矜式卒年七十同治九年 旌

杭澄羅顧莊人父歿事母甘旨不假他人手並好施

歲不足則陰貸以益之親老夜常不寐每夕承歡寢室輒至三更初完姻時自外歸見母執爨泣下痛責其妻曰爾偷安使吾母執爨食之能下咽乎何用爾為母急止之曰吾願為之妻亦感悟化為孝婦母常患痺醫藥罔效齋戒禱於神曰母年高不勝痛苦願以身代引錐連刺左股血流污地母忽昏睡翌日病即霍然親歿凡親身服御之物皆存故處其侍奉之處一如存日言規行矩皆遵遺範見年六十六歲 旌

吳紹宴本城人家貧奉甘旨極豐值母疾醫不能治

紹宴指庭梅祝曰如獲愈則花重開得奇驗焉越歲母病劇時天久沈陰紹宴恐檐溜擾母靜潛取敝絮布階下以遏其聲其曲體親心類此母歿竟以哀毀卒壽五十九

崔修爵富安場人性至孝父家庶沒時修爵十四歲事母丁氏孺慕之誠長而彌篤母年約八十病篤百治罔效值天雨大雷電修爵於室中潛禱剖股製酒以進母病愈遂後延壽十三年乃沒修爵沒道光二十年平日族党有欲以孝行文於官者修爵亟止之曰是人人所當為吾何敢以孝稱越十

三年族氏請於大使蔣示待採訪者錄之

吳慶貴唐家洋人原籍句容縣性廉介以薙髮為生事母至孝母憂兩弟失業慶貴曲體母心為之立業受室每春秋回籍掃父墓往返千里一日舟宿江岸盜利其財欲殺之適田間有荷農器者至救免之人以為孝感所致後鄰家回祿延燒其居室慶貴乃赴烈焰中負母出母得無恙慶貴頭面中火傷逾日沒

許乾壽富安場橋子頭人性樸愿捨力而外不知有當世事幼曾剖股囟療父病亦天性然也東台縣

葛頌孝可風額

徐蔭昌字錫蕃安豐場人性孝友年十三父母相繼
歿生事死哀大過恒人事堂兄若同胞里中皆許
其必壽歿年七十七給粟帛

王桐字雨秋富安文生錫騏次子父客楫茶患便血
桐雪夜走往八十里就侍醫葯晝夜不懈二足皆
癩裂有血喉中又喘咳治之罔效戚故見之歎曰
孝則孝矣壽不能永年二十二歿

王茂字毳衣梁塚場人十四歲時父病篤潛 刲左臂
囟以進尋愈

孫祥梁塚場人刲股療父疾祈求速愈終身茹素焉
丁德愷富安場人性至孝事嗣父如父父病噎醫藥
無靈德愷刲股進病頓愈

常立芳安豐場人幼孤貧事母至孝每食必勉力奉
甘旨已雖飢餒弗卹也母素惜字紙立芳承其志
見道路園圃廁有棄字必拾歸洗淨焚之母病賣衣
買藥溲溺皆手為親理母歿哀毀骨立痛不欲生
不數年沒

王熙梁塚場人事親至孝父病刲股和藥以進果瘥
申某失其名角斜場人業魚行老年慕父母猶孩提

中年後見父母有怒色且跪侍待有喜色乃敢起
此耕櫟場之父老述其事璋特錄之為海鄉勸孝
云

李加勤角斜場人幼孤貧市錫為業奉母張至孝日
得錢歸必盡與母已不私一錢母卧起必親為解
衣每滌穢器必躬親洗刷每晨起必問母所嗜買
以歸間有不繼多稱貸以備母年已八十五子年
已五十一

楊煦字春谷本城人孝友温恭父溶故長者業幼科
性好葉子戲恒苦無資煦供甘旨外不使乏也以
故父歿償負幾千金煦以醫世其家所入悉以償
負有餘輒付弟暄供朝夕暄亦克恭厥兄若弟
無絲毫私積也煦易簣時牀頭惟番錢一枚蓋以
貧終身云相傳溶欲食虎頭魚而一錢不名未幾
遂歿煦乃終身不食此魚童殿壁輓詩云最是年
年二三月傷心不食虎頭魚

仲步廣本城人販菜果為業事父容至孝家貧常廢
餐而奉父無缺終日侍父偶離必使其子侍父側
然後敢出初妻不知事舅步廣以為隱痛妻死遂
不娶及今十餘年凡父縫紉洗濯以及牖廁之事

皆身任之今年五十七父猶在

吳榮泰東台場南三灶人性喬野樸愿不知文學之事而至性過人父文才早逝母患癘瘋膿血淋漓穢不可近榮親為浣拭日数次不以為難母有所欲雖難得者必力致之母膿血滴飯食中已不能食榮泰必自食之不嫌腥穢也母既沒悲痛思慕心摇摇若無所憑藉一日出門遇行乞嫗驚其似母迎歸奉養之寒暑温清事之一如其母嫗沒為殮葬亦如喪母也其至性蓋如此

丁宏炳字蔚伯安豐場人附貢生為人和平小心大度與兄宏炤相友愛事庶母如母事伯父如松無異事父松子早逝遺孤幼穉撫養教誨恩勤備至宏炤卒猶能視姪如子訓迪多成鄉人尊之壽七十一

仕績

繆玉成字潤亭一字子嘉枌櫟場人附生舉道光元年孝廉方正任貴州遵義縣知縣以政治陞麻哈州知州終貴州同知任

施為熊字渭徵號漁溪安豐場人住富安場冲和豪邁爾雅温恭以舉人官桃源縣豐縣訓導訓迪多士多所成就士林德之

文苑

徐文在字直方號珠崖文品如高山古桂受業者踵至精經學科歲試不逾一等著文九十二篇名自成集省試屢薦某科已入選復抽去文在曰兩字功名信有天在又何恨焉壽六十九子述孫兆芹曾孫春溥春濤元孫楨杏錫純來孫燮青雲梯雲俱邑諸生

王楨字梅仙富安場人諸生學殖英富襟懷抗爽緼袍屢空於榮利泊如也府試冠軍詩筆有清健過人處惜有詩文集家貧未梓行於世生嘉慶二十

二年歿咸豐六年壽四十

何勤國字友梅富安場人茂才性溫恭崇尚禮教於經濟之學無不研究一生無欺詐心人即有欺詐之者已莫之知也從游庠後歷五十年好學尤篤工吟咏著有愛梅軒詩文集中有詠梅詩一百首最膾炙人口壽逾七十咸豐六年無疾而終

馮道立志務堂時堰鎮人咸豐元年舉孝廉方正好讀書至老不倦嘗創建宗祠凡族中節孝與無嗣者立木主祀之又設文貞義塾及家塾以教貧家及宗族子弟月課文藝給以膏火因歲歉創積善

會復倣古義倉法置豐備倉並義產生息以防旱
潦設義栖所以養老弱疾病者凡遇災賑則立局
平糶次即救荒之策靡不舉行著有淮南水利圖
說並治水論合刻行世學極淵博於易學尤深著
述甚富壽七十九歲貢生

姚典字古亭安豐場人舉人績學工制藝時習舉業
者多出其門文風因之一振著有古亭文鈔周易
賸說待梓弟增生訓增生書子歲貢生禮璜皆有
聲庠序間

朱贊元字蘭皋仇湖人廩貢生善畫工書詩宗晚唐
制藝得古大家派子榮椿庠生

袁承福字嘯竹安豐場人文生善畫工書尤耽吟詠
壯歲寄情山水足跡所至名公卿多樂與為友晚
年家居為鄉里所矜式里中善舉賴以董其成壽
六十著有已刻嘯竹詩鈔行於世子蘭生工寫蘭
竹

周翀字蓮浦安豐場人 恩貢生文筆清超詩亦俊
逸以乾隆四十年歲試入學壽七十七重游泮水
著有愛蓮堂詩鈔八卷待梓

篤行

馮其瑚字玉華時堰鎮人屢世樂與為善其瑚性尤好施家僅中人產以是中落而始終不倦道光元年十一年倡捐平糶復為粥以食飢者凡施藥施棺施衣施錢靡不竭力為之嘗夜獲盜燭之識其為良家子贈以錢遣之終身不道其姓名後聞其人果改過衣食粗足其謹厚愛人類如此子道立有傳見文苑門

王大勳字啟農性孝友善治生與兄析產勳讓而受其十之三鄉里異之邑處淮河下游頻遭水患勳

首出資為倡築大興圩以障之至今賴焉壽七十

二

張四名萬榮富安場人以薙髮為生家七口日不敷餽粥性好檢拾字紙不以貧窶廢其事會曉出見巷側有紙片拾視已濕且腐臭載有錢四百千文印錢鋪戳記紙背書盧某手執萬榮持歸示子正懷歸盧時盧侵曉未起疑之熟視知為已物旋招萬榮至與之錢不受逾年携家遠徙

王可贊字曙堂唐家洋人文生孝事絳母少困場屋攻書無間寒暑每忘寢食下筆成文曾負笈游如

皋之程門後經師墓必下車徒步往謁其事死如生即此可想見其尚禮云

申大鶴字希喬角斜場人天性篤厚明於倫理宗族貧無葬地割田畝給之凡濬塩河修社學建義倉皆董任其事慨然樂助鄉里稱其賢壽八十五

徐安甸字禹洲仇湖人同治五年大水場治草埧坍塌裂居民岌岌安甸率衆堵閉商灶均感其惠

丁魁林字樹人何塚場世家子形幹幹偉壯有儒者器識幼有孝行母早逝越數年父又沒平居嚴整從不暗室自欺績學攻苦恒思得通儒事之家藏楊

忠愍公墨迹晨夕焚香事之壽四十二歿光緒十五年冬

尚義

袁永英字英書安豐場人性好施乾隆五十年歲大
飢偕子廷弼出資賑飢活人無祿至今人猶嘖嘖
稱其善

何修翼富安場人素敦古誼既沒妻姚遵夫夙願施
送八灶基坵路口鉄索河三處折價田四百九十
二畝五分置價銀一千兩零歸西溪書院收租以
備鄉試卷燭又以郝家河田折價三百畝分潤族
人

唐上治拼搽場人居身質樸教子有方見族無嗣系

無譜傾已資成之閤族皆心德焉

教子有方下
漏中年二字

王連軾字侶蘇唐家洋人嘗夏月見行人煩渴昏絕
仆地王救之活旋出已田二十畝於太平菴立施
藥局時過其地者多仰之

湯鯤字伯友角斜場人性篤宗教遇貧族多方瞻之
一不受報嚴冬海市寒餓者日衆鯤鮮衣推食道
光十一年自冬至春積雪彌月穀價珍貴鯤出錢
三百緡易粟賑飢鄉人嘉其義聞於東台縣盧以
好義可風額旌其閭

葛楷字式菴本城人篤性好學遇有善舉必樂成之

嘉慶道光間疊遭水災楷出金數百兩為救災用
太守伊墨卿義之獎以尚義可風額嘉慶己卯科
二十四年赴省試適同邑某病瘋癲多日夕尋死
計楷為惻然買舟親送之歸雖誤試期弗恤也道
光十二年十三年洪水疊至楷措資賑粥置流亡
施醫藥及衣襦等物經費不繼售已產成之家為
之落邑今盧及繼任李均先後經以額學使白曉
山先生高其義書主善為師四字遺之並餽贖之
楷受字卻金人以是愈高之至令人猶指其居曰
葛善人家

徐葆昌字培滋耕樵場人讀書明大義平生言行不
苟鄉里推為人望尤能卹貧困每值歲暮必以錢
四百千文分給貧者聞其將沒時場之人見其乘
輿張蓋行於范隄上蓋生而正值死而為神理固
然與子權琮孫仁藻皆入泮

劉錦文字蔚亭安豐場人好施濟里有善舉慷慨樂
從道光八年置折價田二百畝送文昌宮又與同
里之徐成培同修公館巷費用八百緡又獨修富
安場東魁星樓費用三百緡壽八十二妻張氏壽
八十

繆俊字秀宇楫樅場人世家子為人好學樂義生平善舉頗多其尤者如場治東有便民河一道開濬頗深既利舟楫又資蓄洩俊所獨濬也先是有術家者言場之河道淤淺水局不利故近二百年無科第若能捐而濬之當有驗場之人以事不干已無應者俊聞慨然曰斯人欲便民計故假此說以相煽耳衆莫之應吾當獨任之遂鬻_{出產}資集夫挑濬不足又以已所備至棺木鬻而益之河既成民樂其便自是棘闈榜發場之人竟兩登賢書皆以為俊之力也

傅良璈字玉山安豐場人慷慨好施咸豐三年買楊正義熟田後因楊貧病退田焚券六年大旱路有遺孩二傅見惻然抱之歸撫以成立為之婚娶劉元炳字勛堂安豐場人增生砥行立名行諸善舉嘉慶道光間解囊捐辦荒賑大吏知名獎勵有案子德培克成父志尤多隱德咸豐六年夏鄰人不戒於火延燒百餘家培宅居中獨無恙鄉里交異之以為積善之報詹鼎角斜場人性渾厚好讀書深明大義戚友中有孤孀無依者加以撫卹賴以舉炊者八九家並有

賴以保全名節者其惠澤之及人不可量也

王才捷唐家洋人六歲父歿事寡母以孝聞生平好為義舉倡建家塾並施草田二百二十五畝為膏火費邑令白顏之曰蒙養家塾壽八十没子廉讓廉諫萬清亦孝友尚義數十年同爨而食食指雖衆終不析居咸豐六年歲大飢為粥食無告者自冬至七年春全活者諸數百人又收養遺孩數十名悉心撫之俾皆所同治六年出已資倡修范公隄運塩路計費二百緡不足惜也十年冬有六合縣寒儒林文煥者率其屬避兵來海上廉讓兄弟

憫其寒苦曰給斗糶林氏十餘口不致顛覆者廉讓兄弟之力也

陳大賢東台場人性樂善見場之南三灶大道七里中多坑坳殊不利於行人與其妻呂將置殮已棺二鬻錢數十千修其缺不足復鬻資生產得二百緡甫完其事此咸豐十年事妻没光緒初年文賢没六年同享壽八十

仲德廣安豐場人光緒元年修東台梁塚安豐新灶官路傾已資幾二千緡璋特書之意其瀆海田夫獨能勇於義舉以臭銅為尋常物其為心胸之慷

慨雖吾儒多有不能及者

璋有詩征途莫計路漫漫雨雪如經去住難誰
剪荆榛除瓦石常存大道與人看 實力鳩工
詎為名世間方便獨君行東淘路接東亭路從
此高低得坦平

劉楷字簡亭安豐場人工醫藥力學砥行樂施與濟
至老不倦

王路字介平本城人生平事父母事長弟居身慈惠
質樸家貧而好施與戚党有婚喪之事賴以舉者
恒比比也尤凡樂成人之美里中寒士資性慧敏者

必多方成就之曾立義學修橋梁濬河渠甃街道
里有善舉必勇往爭赴歲或不登則設法賑飢所
活寒飢甚衆又為施藥舍棺木貧病老死皆有所
資所費不足略無難色壽七十二此可謂吾邑之
善人矣路名父子章字蔭堂歲貢生為邑之名宿事
迹久載邑乘子桐字韻琴舉人善書工詩大挑教
諭

王廷棟字浦雲本城人性好施樂善不倦與顧以貧
不能廣其施濟但為所得為而已一身之外無餘
財一日所獲必悉以與人鬻魚塩於場地者數十

年百里內外無不受其惠者善書法筆力奔放拳
勇尤精至今談術藝者尤首肯云孫會圖字笏山
舉人倜儻能文章兼向氣節有聲場灶人稱其有
隱德故篤生笏山此天之所以報善人也
戚學禮耕樵場人以成衣為業日所入僅敷饘粥恒
以力不能任義舉為憾冬夜見道傍遺孩啼號思
救之為集衿士籲於官捐設救嬰局並湊已資經
營二十年不懈其事全活嬰兒甚衆即今局內有
碑文有考學禮後得臻上壽子孫蕃衍

劉參戎名鴻禎字曉望湖南善化縣人為人守已不
阿常存好心奉總統兩淮水陸馬砲全軍李檄委
來富安場緝私弭盜後梟賊果靖見場南夾路六
十年未修大閤閤場風脈且慮及行人皆不得其
正路發念興修並自助錢十一千文零詎當路中
讒撤其委任惜之

璋 有修夾路歌歌曰君不見富安場治石橋名通
遠橋一之南有夾路去去水口檐石度名牛左
名廟橋

澮縈紆貫大河右緣路根淺水注元代此境本
荒原後成沃壤間園圃中開捷徑成要衝南北
往來人無數道光末夾路捐擔石卸六十年來

誰一顧每經大雨起波淪便欲長趨無進步噫
夾路風脈繫閭場不修民社不豐裕有人行直
道涉水涇布袴捨此遠三里老幼艱奔赴重重
缺陷舉足難尤憐聲者沈溺屢場運轉參戎遇
恩威風雷並雨露一念誠心大路修即特薪木
畚鍤具黎明牲酒奠土神營兵挑築工非雇赤
日光中宣統元年首夏撐繖立立德立功由勤苦憫茲
行險多不平下令填補休歧誤水口遠近皆流
沙三十四丈修難固更出高見涵洞擋口不擔
石水暗渡再南乳塚夾路穿人牛車馬無攔護

君因修路利行人澤及胥髓復修墓噫前至淮

軍侯廉山未久留半修軍政半儒素後至湘軍劍

橫腰君能修善樂施輸犒勞兵丁工役以及修路器具皆劉獨助八日

工竣協力人爭荷土來笑說參戎稟天趣過客延

途行且歌歌其普濟行復住展旌旗嚴隊伍君

之此來何遲暮平險為夷上將才不羨劉錡猛將

軍宋史附塩梟匪類已削平中朝平乳應委付

我歌此詩告場人大書端委在章句待建豐碑

銘大功千秋萬載添掌故迥異尋常武士鑿濠

築壘老邊戍

何曦字北窗富安場人文生熟經史典籍尤精時藝人稱之矮脚書櫥一年歲臘其父克儒由南鄉解館歸聞人家有哭訢聲克儒假乞火吸烟問以故知為夫久客未歸嘗無日食因賣身與場之山西人為妻今夜婆媳離散克儒亦淚下即以車上修金錢與之償還前路且告之曰爾夫囑我傳信云歲暮必歸袖大好舉家不必悲慟克儒妻崔氏知之喜曰錢財細物故種此大德後世必昌歲暮夫果然回里行囊充足而克儒妻年已將六次生子即曦天資聰慧試必高等稀年遊庠孫曾環抱

種種德報信有天在曦壽七十餘歿嘉慶末年

善堂

一善堂 在安豐場道光六年里人朱苕菴妻史施送本場范堤東西灶河荒田十一引半隄西呂王梁荒田一百一十一畝鳳凰梁荒田五十畝季家庄荒田四十畝收息以備義棺藥材之用嗣有杜琪施送季家莊荒田二畝內有朱苕菴墓

善善堂 在安豐場公館巷南道光十五年咸冠彝等倡捐置屋八間立義局二十四年周零雨等鮮囊添屋三間設義學置盧家灶義塚魯卿等添置屋二十八間中有樓房上下十間又卜永熙施送

小太平圩熟田九畝又吳霞彩施送義塚七畝

遂長局 在安豐場四倉巷為冬令收養遺孩之所計屋十八間道光間劉元炳等倡捐董建並置梁場西小殷家舍荒田一百七十畝董家梁荒田九十六畝清水港荒田九十畝又三十畝又十八畝安豐場西孟家梁荒田二十八畝同治間續置場東白茅梁荒田十五引劉一灶荒田十四引收息充公

益善堂 在安豐場咸豐初潛山熊光僖僑居其地與三賢祠僧覺乘友善回籍時遺銀一百兩託乘

經營代作義舉數年間共得錢四百緡乘鮮囊助錢六百緡同治十年置買隄東上洋灶荒田十一引二分又荒田八引二分內熟田七畝又顧家灶西荒田二十六引五分七厘嗣後生息以備隆冬施粥

福善堂 在安豐場沈家灶道光十一年徐階等捐建為施送義棺之所並置義塚

敦仁堂 在安豐場四倉巷口為新安六邑老病暫栖之所道光十九年鮑謙敬堂捐送市房地基各商捐資重建名敦仁堂舊有天樞坊義塚荒田二

引三官殿東廂房兩間權停旅櫬並續置南燦玉坊市房一所均歸堂董管理生息充公

永安堂 在安豐場鎮^江鹽商張靜亭張鶴齡等勸捐建立施送義棺置義塚五畝熟田十二畝生息濟用又置武定坊市房一所為寄籍傭僕老幼暫栖之所安置水砲一架

養濟堂 在富安場古塘巷口道光間侯有功建施送隄西熟田三百十八畝續增隄東熟田三十六畝又周家港濯錦池浴室一所租息永濟經費收養年老無依者四十三名

勸善堂 在安豐場道光二十六年周學政學道等
倡建房屋三間在彭家灶南清涼菴側為施送義
棺之所學政獨送富安場念一灶荒田一百畝收
息濟公邑侯給獎額

耆壽

戴佳奇富安場得意庄人壽九十四

盧修大字立先富安場人壽九十五

潘世堅富安場人原籍歙縣性孝友慈善熟塩法善

丹青歿道光三年壽九十四

逾八十孫曙東曾孫建中壽皆八十餘

丁振綱字重倫富安場港子廟人性慷慨温恭處事

一以仁善為心鄉里有貧難者施濟無難色東台

縣盧旌頤年碩德額歿道光十三年壽九十二兩

膺粟帛

陳志俊好學能文尤工書法百三歲

張射元富安場人性恕道壽九十七歿同治三年

吳學仁安豐場人字寄圃監生性古雅好善面目如

少年子歿光緒十二年壽九十妻丁氏壽八十九

歿

崔德潤富安場梁家灣人以力田去安豐場十三分

灶生乾隆五十五年子三孫六曾孫七壽已九十

二

傅方來安豐場人業醫壽九十四

殷昌倫梁梁場人歿咸豐元年壽九十三

唐兆鳳字湘泉李堡人歲貢生授碭山縣訓導未任
三膺粟帛重游泮水沒咸豐元年壽九十

唐兆鸞李堡人附生道光間賑粥獎勵八品銜咸豐
間賑飢出錢一千千文獎勵五品銜重游泮水沒
十年秋壽九十五

陳定芳安豐場人生平精明處能舉念皆嚴守禮節
如解汪之紛顧之難又其餘事及今嗣續仍似定
芳行為人以為定芳之所感化云壽九十五歿咸
豐七年秋無疾而終

劉子俊咸豐八年壽已百三歲五世同堂

鄭文煥安豐場鄭家河人為人心無回曲道光間鄰
人不戒於火鄭宅居中獨無恙沒同治初年壽九
十四

李明德角斜場人沒光緒元年壽九十五

陸士才仇湖人篤厚謹愿明醫術不以醫名善推拿
法所活嬰孩甚衆鄉之義舉多力成之壽九十一
周春林字融河角斜場人性渾厚修已樂善教子康
祺成庠生學憲彭獎一鄉善士額少時即作有勸
孝文戒淫篇至今場之書塾猶鈔誦之同治十二
年壽九十繼妻吳壽九十五

劉文煌東台場人沒同治十三年壽九十七

王德仁唐家洋人性誠篤不念舊惡老年精神健如少壯壽九十八子才康壽八十孫連縉壽八十三徐尚文楫棹場人世以孝義傳家學憲李獎孝義延齡額壽九十七長子東萊壽八十八次子遐昌壽八十七

劉世桂安豐場人壽九十給粟帛

王禮盈富安場王家梁人為仁慈心接物鄉里稱道如出一口沒光緒元年壽九十二

徐鴻瑞楫棹場人道光二十八年旌表孝子建有

救嬰局收養遺孩濟生堂醫治行旅病人冬生院留養乞丐積備倉捐穀備荒著有謹身微言葆光詩集壽九十五無恙以逝

王宗柏安豐場橫河灶人壽九十三

陳萬新安豐場新豐園人壽九十一

梅貫綺安豐場人壽九十三

巴作霖字時沛安豐場人壽九十三

顧春芳楫棹場顧家庄人壽百二歲

徐定邦楫棹場西鄉人壽百一歲

葉懷友安豐場三官殿灶人壽百歲為人仁愛古茂

視聽不衰常道見

純皇帝南巡事歿光緒十四年建坊

張永進字尊爵富安場黃金埧人父繼然務農為業
與人無爭壽九十四卒永進居心仁愛一生無疾
痛雖有如少年而顛骨突起人名之壽星登上
歲壽百五歲無疾而逝長子昌彬性情堅定防已
有餘壽九十三卒次子昌楝和平自飭不涉時事
壽八十五卒昌楷最嗜靜默嫻於農事壽七十四
卒昌彬之孫慶生茂才曾孫春官等幼讀書子孫
繁茂五世一堂足食自給張氏有德人皆知焉光

緒庚子二十六年永進建坊

璋

壽永進百歲詩疇道人無百歲人春長海上
祝靈椿六朝耆舊滄桑變五代兒孫杖履親忍
既有圖承祖訓居仍同處樂天倫壽翁笑謂延
年術要在清心與好仁

崔隆元富安場兔兒塘人存心忠厚衣食有餘壽九
十四動止如常有塘之無耻者假采訪府志名漁
崔錢十千今尚在否

隱逸

蘇渭北乾隆時人數十年足跡從不一履市廛自幼老至以筆墨自娛當世多奉為清高品鄉鄰有鬥者恒告以故藉剖之渭北緩謂之曰若輩曷化紛爭為善良專務本業果不改詎吾類耶鬥者多為之感悟

崔甲字開第號菘畦富安場人性孤介好學能文不干利祿刻苦學書亦工吟詠四十年以舌耕糊口無一言道及分外事中年喪妻有子遂不再娶晚年亦淡世味潛居破屋中風雨一編舍二三故交

外餘無識其面者

朱琅字九光原籍泰州本城家故甲第以就館至李家堡樂其荒僻遂家焉^上書嗜吟詠著有吟藁一生以義命自安名公卿見其曲突常冷多餽贈之弗受嘗與所知者曰吾子然一身無益於人死以青蠅為弔客可也復以隕廢之軀為朋友累不滋愧乎壽六十人為葬之堡西板橋南

顧惟真耕樵場人幼聰穎好讀書終日寡言語自食其力晨夕手編自誦不絕家日貧栖止僅茅屋數椽處寒餓晏如也

徐昭字升階號少峰剛毅公之族侄也性嚴冷落落
不與人合然人有緩急必赴之力有不逮不計也
居耕茶場之姜家埭筆華門蒿徑傍及范堤堤外景
像蕭瑟昭處之晏然嘯歌不廢剛毅公既貴憫其
貧欲携之任所執不可與之金又不可惟以修築
范隄請為乞言當路剛毅公感其義為言於都轉
喬公上其事隄遂以成人以是服之居恒納履踵
決雖屢空未嘗言及阿堵物剛毅公嘗嘆曰好一
個冷人我與作伙伴多愧色矣壽八十餘

流寓

單為鼎字冠彝綸之子崧高孫也三世皆甘泉縣名諸生固以經學世其家挈春來富安場建塾傳經一生自守樸素含養生質不涉世情人亦不以世情擾之母陳早没事父敬謹勝於母在人稱為文章作手於雪小題尤佳惜文集不存没道光末年壽七十餘

徐聰字香谷海安鎮人汪觀察春田挈之應北闈試不第客揚州幼有神童之號著詩稿十二卷文稿四卷為鎮之王姓所秘晚年家富安場之孟家莊

壽七十

汪志培字根源居角斜場原歙縣人父有瑞捐助場境社學田畝嘉慶十年大水捐辦賑撫志培幼孤事母至孝曾獨力捐舖場之通衢石路並捐資重修社學後值水旱徧災均倡捐助賑以承先志

李草庵通州本城人為名儒虹橋先生之孫性不近女色終身不娶見人有善行必隨筆記之實學及詩才皆綽綽焉有咏天竹詩多膾炙人口惜璋采訪時未及錄載少時即之富安場海鄉訓塾貧乏者不計修脯且助以膏火候其學力有賴聽之自

去沒咸豐末壽七十

錢以葆字敬齋鎮江本城人儒童少游京師不遇挾
醫術來富安場日坐進賢橋西斗室中蒔花瀹茗
每佳晨月夕賢豪畢至傾談今古見貧家有病輒
濟以葯餌有暇則謳吟自適或書畫自娛古大聖
寺壁間有以葆九日登高詩燕台回首幾經秋湖
海何堪說壯游故里黃花應笑我他鄉風雨又登
樓題糕卻喜吟朋聚把酒全消客邸愁壁上龍蛇
遺跡在敢將詩句繼名流壽六十六沒咸豐末葬
西倉橋北許氏之東阡

謝申烈名瑩字琴山浙之山陰縣人舉人貌幹修偉
才氣過人詩宗東坡書範歐陽東台縣葛延主西
溪書屋院壽逾六十

戴煊字琴江鎮江本城人增生年十六游庠宗韓文
學蘇詩抗懷高節眼空時俗按夕縱酒高歌其識
見高人一等避紅巾乳來富安場說經糊口多所
成就沒同治初年壽七十餘葬西倉橋北楊家荒
田

汪鶴字雲甫江陰縣人附生成豐初以避兵居富安
場為人寡言語性亦高潔雖自處寒餓恒以干人

為辱詩筆矯健可貴猶記古大聖寺題壁云金剛
怒目猶塵像菩薩低眉乃佛心餘稿惜不及見壽
七十餘

馬壽齡字鶴船安徽當塗縣人廩貢生官阜陽縣訓
導為人豪邁高簡貌魁梧有氣概咸豐三年僑居
金陵城被破陷賊中誘降百端卒不為屈密與上元
縣廩生張炳元輩謀內應不克乃跳身負父走投
向忠武營日以忠義說諸將顧婞直不偕於時其
計畫竟不見用乃退著詩文多闡揚忠節之作生
平以不能殺賊為恨每酒酣耳熱慷慨道賊中營

中事娓娓可聽十年喬方伯松年聘主東台西溪
書院凡八年殷殷教諭文體一準先正尤重小學
爾雅說文諸書恒研究不去手常課之外加以小
課暇輒責諸生寫五經譌字別體手為較正所著
有懷清文集四卷詩集八卷金陵小樂府一卷與
人交以誠不為面諛有干以私者曰有一事本不
當言壽齡遽止之曰既不當言則不必言其嚴正
如此先是書院膏火多不能按月發給比給吏
侵漁往往短數多私鑄錢自壽齡主講悉除積弊
課之日肩試禁懷夾終日危坐講堂督察綦嚴士

初厭苦之既乃多所成就喬方伯選皖撫壽齡調署教諭沒同治九年壽六十

許楣字辛木浙江海寧縣人道光十三年癸巳科會元官戶部主事同治元年其兄子誦宣署東台縣事奉以同來誦宣解任楣因寓東台會其子誦郭署何梁場事在任二年商灶宜之蓋得力於庭訓者多楣為人峭直不與俗人交於古今利弊人事得失明若觀火論輒千言委中郤窾顧未展其用耳惟著書見志詩古文不名一家而動與古會成鈔弊論一卷真意齋詩二卷隨筆四卷重訂外科

正宗十二卷說文撰要若干卷平生嗜內典兼善導引故老而精神不衰九年秋偶邁微疾忽自詔曰若來日午時方歸不及見矣時誦敦方在泰州乃作扎別所知字画端正如平時端坐拱手謂家人曰予此去采藥不苦也言已遂瞑頭上騰騰如釜上氣良久乃滅面如生壽九十四誦敦果以次日午刻歸

楣喜雨詩用子誦敦原韻醜醜雞乳舞蒼蠅稀驪龍送珠敲荆扉田夫里老齊拍手沛然不待賢侯祈一兩三尺天所賜使我水車停鳴機黃雲

卷盡麥畢穫青針透出秧初肥不先不後真應
候昨日怨咨何其非今朝蛙聲聽亦樂祇有積
穀翁歔歛更欣魚子皆得水早晚入饌無蝗飛
書生代耕惟一硯中有天下寒與飢坐看秀色
滿原郊今年蔀屋堪因倚天心仁愛有如此得
志慎勿鞭群黎 樂府六首之一比火伏官嗔
灶戶塩不足灶戶有塩上告官向來塩入商人
垣一手交塩一手錢今年商人手不寬有時以
票搭錢使票未到期如廢紙見錢用盡可奈何
以票易米空入市何況雨暘更不時商人色喜
收塩遲透私冒禁不得已且免守塩賣妻子不
見商家積塩高於墻一春顆粒不出場官嗔灶
戶塩不足塩多轉慮無錢商

胡隆治字淞亭儀徵縣人工詩善書法羈安豐場今
壽已八十六著有淞亭詩鈔八卷

張得貴高郵州人住東台場幼傷父兄德順時四歲
貴時三歲祖母母皆勤機杼撫其弟兄成立以行
船為業同心孝事祖母母兄二十四歲歿嫂他去
貴撫姪甚篤祖母歿力謀喪葬母病醫葯罔效禱
天割股病愈恐娶妻不知孝姑反遺母憂遂獨處

終身

方穀字既卿儀徵縣人副貢生住揚州新城官溧陽縣教職以紅巾乳未仕旋遇富安場大使德公暢源延為書啟性閒雅高風自矢暇則弄笛調聲南北曲又樂解人忿難旅場有年無人不稱之賢者壽近古稀二子皆承家學青年入泮

孫則善字從之南京本城人以避兵與父母妻子來富安場設塾母二足向不能多走善間負之見母必展笑顏供餐齏塩常缺善以小碟取貯案頭專以奉母又為懷父義措錢十四文供吸煙之用

孝父逾於孝母善課課終日孝母兼分妻職五夜每飢寒戰慄從不做聲防益親憂直至賊退還鄉以館為生善與三子兄弟早皆入泮妻日夜辛勤家產重興善年將六沒於家嫡伯懷仁舉人嫡叔懷禮廩貢生攻画道善書法人來爭取教讀場之小東河許宅

丁紹曾字省三鎮江本城人儒童咸豐間避兵梁槩場作文搖筆輒就清簡當理詩敦厚而雅書法近公權而鉤踢處最有含蓄在不知者以未博一衿為不足稱後獲李殿元承霖延為塾師甚敬禮之

歿光緒十一年壽七十一

民國東台縣志稿

流寓

三十八

方技

朱康侯富安場人生雍正間精醫術以拯濟為念遇病者必細心診視數十年活人甚衆後有丐者踵門求食朱飯之既畢丐以飯之破碗遺朱曰留此為君搗藥器朱察其異姑試之病者得朱藥輒愈由是朱名益噪談者以為得仙授云

張鶴字金船富安場人附生生乾隆間性澹適自安工書法至今場之寺觀匾額楹聯多出其手

朱正寬字春湖晚年號秋湖仇湖人性閒澹而廉介家貧甚以課徒為生雖斷炊不干人少應童子試

搜檢者見其貌怯弱疑為懷夾至揭其裏衣徧覓未獲片紙而寬經此煩擾遂無意功名日以作詩習書為事詩取法各大家書法初學柳顏中年追步晉人皆得其神味求書者頗衆遠近諸處寬皆書有碑版璋曾目擊焉仇湖當嘉道間有寬堂叔祖廩貢生贊元者主持風雅四方知名之士如李少白袁嘯竹韓杏村朱古香諸子恒主於元家文謙詩壇極一時之盛寬以得參末座留連晨夕故所造益精咸推為作手年五旬後忽厭穀食日啖榛果而神明不衰如此垂者十餘年壽六十四沒

道光九年惜詩草散逸惟菊影七律四首至今猶膾炙人口云

王奭字從武安豐場人善卜卜亦屢中壽七十六

徐小畹楫檠場人寫人物落筆高古疑非出近人手筆寫山水大有關仝之遺意

丁步蟾字吟秋安豐場人書攻顏柳每晨起必作數百字其字字筋骨間無不生動至今人見其隻字必謀獲之乃已

朱履坤字雲廬安豐場人善拳勇挾其術授徒三十年得其傳者甚夥朱名由斯大噪於江淮間但朱

性甚閒逸足迹不輕詣市廛日以吟詠為好

朱明遠角斜場人生而穎敏好讀書十齡後以善弈著名然高潔自矢於一切塵俗事多輕而鄙之如貲郎錢虜尤以蠢物視之與人弈必汲泉烹茗酒酣必高歌流露真摯中年益肆力於弈每一子落疑有神助交游不苟契合者則性命相依間絜三二知己立林木中溫閒情談弈奧甚得其天趣云

張鳳翼字立山安豐場人能詩善畫尤工寫真泰州芸香詩鈔中有立山詩

周志銘字井嵐安豐場人家貧力學工篆書精鉄筆

詩酒陶情主持壇坫洵上詩人多歸附之顏其軒
曰長虹吟社

朱進賢號種荷居士何槩場湯家泊人初不識字為
農家子居澤國會見蘆荻中有雁聲往視之若圖
画然因不時取蘆管在地上摹画其神韻朱分運
沅大異之以為可造教以寫蘆雁之術後果名家
人得其片紙多寶貴之

袁蘭生字義竹安豐場人能詩尤工画竹行榦布葉
多肥大墨瀋淋漓多煙雨氣老画師見之猶擊賞
焉

夏樹常字純一號若愚本城人工書善弈精於醫來
富安場視診老幼諸疾十不失一嘗有仇氏婦汪
氏女先後染瘋疾樹常往視病者見瘋鬼遙避去
蓋不獨畏其術之精其正氣亦足以辟鬼也

王銓字小畹富安場人天資敏悟幼嗜画甫十齡即
曳墨隨在塗抹無不神似人見之無不嘆服善辨
古書画真贋更精鉄筆著有艾綠軒圖譜未梓其
品誼之可述者以泉刀能益人過恒輕之終不為
之困

崔福基字嘯山富安場人工書善画尤精寫真與人

一謀面其意相神致即致之不忘雖相隔年久慕
之無不神似著有傳真心法一書實能發前人所
未發

王先聘字珍卿梁槩場人監生客富安僧舍賣葯就
治者十不失二由斯家漸豐事寡母無違言難色
嫡姊夫故聘友于勝昔好讀書有暇必展卷經史
交人以誠好詩集名杭香庵又集有醫葯諸書生
徒濟濟周濟急難其餘事耳晚年生子萱生薇生
好德好學皆如父願壽六十四歿民國三年新夏
釋竺仙安豐場人画士王丹農次子來富安場同善
庵為僧不好禪寂獨耽韻事詩筆有清警過人處
海上諸詩家讀其吟稿恒與為友有某中丞輕舟
相訪大加稱許然托鉢三十年塵緣未嘗不了了
也歿道光三年壽四十八